

TI KJUACHAXIN NIXJA LEY KUÈNTÉ TI KAÍN NKEHE JÍNA ȚOHEN LA KO TI NKEHE
JÍNA TJENKAYÁXIN NKOJNKO TI CHJASIN NTSÍNTSÍ, MÉ NDÁ KJUAXRÓXIN
TS'EJÓ NO TI ESTADO Ț'ÁNINKÄ
CAPÍTULO I

**KAÍN TI NKEXRÍN
TSQHEN**

Tsochóxin ko tsotsjehe kixin jína ts'ixin ko yóxin tsqhen kaín ti nkehe jína Țohen nkojnko ti chjasin ntsíntsi nixja ijnko itan, ti nkexrín tjenkayáxin sin, ti nkexrín t'ejó sin ko ti nkexrín xroeyáxin ti sin ts'etqan ti chjasen sin; ts'ixin kjuasáya hacia kaín ti nkehe jína tinkachónki sin, ti nkehe nohen sin, ti itan nixja sin, ti xroqan kayoa tichjanxíhin sin, ko kaín ti nkehe Ț'ónehe sin ko kaín ti nkehe jína chónȚa chjasen sin.

Ti Ț'áninkä me chónȚa nchóhña itan nixja sin, kaín tiha me kjuajón nkojnko ti chjasin nixja ti itan Náhuas, Totonacas ó Tutunakuj, Mixtecas o Ñuu Savi, Tepehuas o Hamaispini, Otomíes o Hñähñü, popolocas o n'guiva ko Mazatecas o Ha shuta enima, kaín ti chjasin k'uejó nkaxehen ti T'áninkä ndesi ti imá seno naxa tihya ti sin nixja itan najní. Naxa tjejóchón ti nkexrín tjenkayáxin sin, la ti nkexrín ts'itja sin nkehe jína sinie sin ko nkehe jína tsochónȚa sin la ko nkexrín tsjajóhña sin, kaín tíha me nkehe jína kuènté sin.

Ti kjuachaxin nixjaȚoxin ti ley kuènté kaín ti chjasin ntsíntsi nixja ijnko tan, me jína tsichjanxíhin ijnko chojni ó nchóhña chojni, ti nchóhña chojni tsichjanxíhin me ti chojni t'etqan ó ti sin t'etqan ti chjasen me tsochronka nkexrín nixja ko t'etqan ti ley i.

Ti ó tsqhen ti nkehe nixja ti ley kuènté ti chjasin tsíntsi nixja nko itan, me ti sin gobierno t'etqan kixin tsoxiteyá, ti sin nchekuáxin ley ko ti sin t'etqan ti Ayuntamiento me:

- a) Tsjatsqan, ts'ayakohen ko tsochónȚa kjuasáye ti nkexrín tjenkayáxin kuènté ti chjasin, kaín ti nkehe jína chónȚa ti chjasin, ti nkehe tinkachónki la ko ti nkehe titekaon ti chjasin ko tsienxín nkexrín tjenkayáxi kuènté ti chjasin o ijnko chojni, la ko ti nkexrín tsoyóxin nko nkehe o tsoyóxin ichrán kjuanínkaon.
- b) Tsokuènté kjaxin éxi ti chjasin Țoxríhin Țochjina la ko tjinkĩtsa tseya ko sincheyóxin ti nkehe sinkakoèhen kaín ti chjasin, kixin jína ts'ejó ko jína sich'e ixrã; ko
- c) Tsjatsqan kaín ti nkexrín tjenkayáxin nkojnko ti chjasin éxi t'etqan ti ley kjuachaxin kuènté ti ijnko chojni o ti kjuachaxin kuènté itsjé chojni.

**TI KJUACHAXIN
KUÈÑTÉ KAÍN
CHJASIN NIXJA
IJNKO ITAN KO
KAÍN TI CHJASIN
NTSÍNTSI.**

CAPÍTULO II

Ti ley i mé chr'oakjan la ko t'ayakohen ti sin t'et̥oan nkojnko ti chjasin ntsíntsi nixja ijnko tan, ti nkexrín sichéhe ti chjasin ti sin t'ejó ts'et̥oan, ko kjaxin t'ayakohen kixin yóxin la ko nkokón tsiakjan ti sin ichjin ko ti sin ndasoa.

Kaín ti chjasin ntsíntsi nixja ijnko itan ko ti sin ntiha chjasen, chón̥ta sin kjuachaxin jehe sin o ti sin t'et̥oan ti chjasen sin kixin tsjanchéhe sin ti gobierno kaín ti nkehe tichjanxihin sin, kixin ninkexroé tsihya nḁtaon ti jehe sin.

Ts'ejó sin kjuaxróxin ti chjasen sin kixin toyoéhyá éxi ijnko chjasin, kjaxin chón̥ta sin kjuachaxin kixin ninkéxroé sich'eya menos ti jehe sin, ninkéxroé tsinkítéxinhña ti chjasen sin ko ninkéxroé tsátsjikohyá ti xjeen sin no ókjé ti tjinkakohña xjan.

Ti itan nixja nkojnko ti chjasen sin me ts'itjañahña.

Jína tsonkojié sin ndá ts'ona sin ijnko grupo éxi nixja ley me jína ts'ayakonhen sin ti itan nixja sin, kaín ti nkehe tinkachónki sin, ti ika t'itsá sin, ti ison óse tihin sin, ti kia chjasen sin la ko kékín ti nkehe t'ónaxin ti jína tjenkayáxin sin no ti chjasen sin.

Ti nkexrín tikjínxin nkojnko ti ndoe sin, ti nkexrín t'ejó nkojnko sin ko kaín ti nkehe kuènté ti chjasin t'ejó sin, kaín ti nkehe jína tjinkitsako kixin jína tsak'e ti chjasen sin la ko jína tsinkák'ánki, tsokohya kjuaninkaon ko ninkexroé tsakaohña ti kjuachaxin kuènté nkojnko chojni éxi nixja ti ley.

Xrokjuahya tsakitsjexín sin ijnko chojni ti chjasen ti jehe tjinkakohña.

CAPÍTULO III

**TI KUÈÑTÉ SIN
ICHJIN, SIN
NDASOA KO TI
SIN CHAJAN
TJEJÓ TI CHJASIN
NTSÍNTSI**

Ti Estado o gobierno ijié me tsochronka la ko tsjako kixin kaín ti chjasin ntsíntsi nixja ijnko itan me tsqnohe nkexrín tsiakjan ti sin ichjin kixin kjaxin tsjenkayáxi nkexrín jína tsak'e ti chjasen.

CAPÍTULO IV

TI JEHE SIN TSJENKAYÁXIN SIN NKEXRÍN TS'EJÓ SIN TI CHJASEN SIN

Kaín ti chjasin ntsíntsi ko ti nixja ijnko itan me chónṭa kjuachaxin jehó tsenkayáxin nkexrín ts'ejó, tsoxiteya kaín ti nkexrín xroáxé nkakohen ti chjasen sin me ndá nkák'anki me xikahan tsonixja ti ley kixin tiha me kaín ti nkehe jína kuènté sin.

CAPÍTULO V

KAÍN TI NKEHE JÍNA ṬOHEN TI CHJASEN SIN KO TI NKEXRÍN XRAKOHE SIN

Kaín sin chónṭa sin kjuachaxin: x̱ikahó tsinkachónki sin kaín ti nkehe nohen sin ko kjaxin tsinchek'anki sin kaín tiha.

Ti gobierno Ṭ'ánĩnkä ko tí Ayuntamiento me tsjinkĩtsa kaín ti chjasin ntsíntsi nixja ijnko itan kixin sinchek'itjañahña kaín ti nkehe jína tinkachónki éxi:

- Kjuaxróxin ts'ejó kaín ti chjasin ntsíntsi, ti kaín nkehe jína tinkachónki sin kixin ninkexró tsákaohña ko ts'óxikáhya ti nkehe jína sich'ena sin.
- Tsotsjehe, tsichjáxinhin sin, sinchek'ánki sin ko tsjakohe sin ti xjan tinkak'anki ndesi ti nchia xroakoxin o ndesi ti ndqe sin kaín ti nkehe nohe ti sin ṭada, ti itan nixja sin ko ti nkexrín ikjin sin.

Ti Ṭ'ánĩnkä ko kaín ti municipio me chaxin tsjajón sin educación chónṭé ti nkexrín tjenkayáxin kaín ti nkojnko chjasin ntsíntsi nixja ijnko itan.

Kain ti nchia xroakoxin hasta ti secundaria sífn ti chjasin ntsíntsi no Ṭ'ánĩnkä me tsjakoxin ti itan ko ti éxi tjenkayáxin ti nkojnko ti chjasin ntsíntsi a.

CAPÍTULO VI

TI CHJASIN NTSÍNTSÍ TSJENKAYÁXIN NKEXRÍ ANTSÍ JÍNA TS'EJÓ TI NO Ṭ'ÁNĨNKÄ KO NO TI MUNICIPIO

Ti nkexro t'ęṭoan ti Ṭ'ánĩnkä ko kaín ti Ayuntamiento me tsjasin kaín ti nkehe tsjinkĩtsexín kaín ti chjasin ntsíntsi la ko tsjenkayáxiko nkexrín ts'ánki ti Estado Ṭ'ánĩnkä ko ti municipio, ko kjaxin tsiakjan ti nkehe tjinkaon ti chjasin ntsíntsi éxi ti jína sinie sin, ti xroan tsohen sin, ti ts'ixin nketin tsotsĩṭánxin sin ko ti nchia ts'ejóxéhen sin ko iso ti nkehe tichjanxíhin sin.

CAPÍTULO VII

TI NKEHE CHÓNṬA KO Ṭ'ÓNA TI NONTE CHJASEN SIN

Kaín ti chjasin ntsíntsi me tsjenkayáxiko kaín ti sin gobierno, kixin tsjankíxin sin ts'ajitsjehe sin, ts'ayakohen sin, sincheyóxin sin ko tsichjanxíhin sin yóxin kaín ti nkehe jína tjejó la ko to nkehe ṭ'óna

ti nonte chjasen sin; jehe sin tsochónṭa sin kjuachaxin tsichjaxíhin sin ko tsjikinchexroan sin ti nonte chjasen sin.

CAPÍTULO VIII

TI TS'AYAKOHEN SIN TI KJUACHAXIN KUÈÑTÉ TI IXRÄ ICH'E TI SIN CHJASIN NTSÍNTSÍ

Kaín ti ndge gobierno ko kaín ti nchia tóhen ixrā me tsinchexiteya ti kjuachaxin chónṭa ti sin kjuixin ijnko chjasin ntsí la ko nixja ijnko itan kixin kjaxin sin jína tsochónṭa sin ixrā.

CAPÍTULO IX

TI TSOXITEYA TI KJUACHAXIN KUÈÑTÉ TI SIN CHJASIN NTSÍNTSÍ KO TI SIN NIXJA IJNKO ITAN.

Ti sin t'etōan ti Ṭ'ánĩnkä ko kaín ti municipio me tsochóxin sin nkexrín ko nketín toyóxinhxin ichrán ijie ti chjasin ntsíntsi me xikāhan tsochréhe ti sin t'etōan ó ti sin ncheyóxin ichrán ijie ti Ṭ'ánĩnkä, tsoxiteya kjaxin ti kjuachaxin kuènté nkojnko chojni éxi nixja ti ley.

CAPÍTULO X

TI TSQÑÍHI SIN ME NKEXRÍN TSJINKİTSEHE

Kaín ti chojni chjasin ntsíntsi ko ti nixja ijnko itan me chónṭa sin kjuachaxin tsohen sin xroan, kaín ti gobierno Ṭ'ánĩnkä me tsjajón kaín ti nkehe tichjanxin kexrín ndá jína tsohen sin xroan ko kaín ti nkehe tichjanxíhin sin ndá jína ts'ejó sin.

CAPÍTULO XI

TI SIN T'ETQAN ME NKEXRÍN TSQNKQTSÉ KIXIN JÍNA TSJINKİTSEHE TI SIN CHJASIN NTSÍNTSÍ NIXJA IJNKO ITAN

Kaín ti Ayuntamiento chónṭa chjasin ntsíntsi nixja ijnko itan me tsinchekotsé iso ti sin ich'e ixrā ti Ayuntamiento kixin tsotsjehe kaín ti nkehe tichjanxíhin ti chjasin ntsíntsi a.

CAPÍTULO XII

TI GOBIERNO Ṭ'ANİNKÄ KUÈÑTÉ TI CHJASIN NTSÍNTSÍ KO TI CHJASIN NIXJA IJNKO ITAN.

SECCIÓN I

TI IXRÄ KJÍXIN KO TI IXRÄ TSÍK'ONAXÍN IJNKO TI GOBIERNO

Ti Instituto ikjí no Ṭ'ánĩnkä kuènté ti chjasin ntsíntsi nixja ijnko itan, tíha me t'axjendenxín ti gobierno Ṭ'ánĩnkä, ti instituto a mé jehó ncheyóxin ti ixrā kuènté, jehe tsjehe nkexrín tsichjaxíhin ti chichaon ṭakja ko jehe me nohe ti ixrā sich'e.

KUÈNTÉ CHJASIN NTSÍNTSÍ TI Ṭ'ANĪNKA

Jehe ti t'et̥oan ti ixṛa tsohen kixin jína ts'ejó ti chjasin indígena nixja ijnko itan ko ti sin afromexicano, ti ixṛa kuènté me tsochronkáxin, tsatsjikjínxin, tsich'éna, tsjáki, tsochronkáxin nketín, ko nkexrín, tseyéhe, tsochréhe ko tsotsjehe kixin yóxin tsohen kaín ti nkehe k'ona, ko kjuenkayáxin sin kixin ti chjasin ntsíntsí ko ti sin k'uaxrjeníxin ti sin África me kaín ti nkehe tichjaxíhin sin me ts'ánki ko tséhe tsitohe ti nkehe jína siín chjasen sin.

Ti instituto kuènté ti chjasin ntsíntsí nixja ijnko itan i me tsochruéxin kaín tíhi:

- I. Tsochóndéhe kjuasáya, tsotsjehe, tsjinkĩtsa kixin xikāhon tsochóxin ti chjasin ntsíntsí ni itsjé itan nixja, ko kaín ti nekehe jína tjenkayáxin cada nkojnko ti chjasin tjejó ti Ṭ'ánĩnkä, ko xikāhan kjaxin ti itsjé nkehe nohen, itsjé nkexrí tjejó sin ko istjé nkexrín t'itja sin nkexrí yóxin ts'ejó sin:
- II. Tsotsjehe kixin tsoxiteya ko tsochónṭa kjuasáye ti kjuachaxin chónṭa ti nkojnko chjasin ntsíntsí, ti jehó tsjenkayáxin nkexrín ts'ejó, me ninkexró tsihya naṭaon ti jehe sin.
- III. Tsjeyéhe kixin yóxin tsjiko kicho ti nkojnko ti chjasin tjejó ti Ṭ'ánĩnkä, ninjnko chjasin antsí imá ijié ko ninjko imá intsí, me ndá jína ts'óna ijnko Ṭ'ánĩnkä ninjnko chjasin tsitoeya nóṭon, me ndá jína ts'óna jnko Ṭ'anĩnka ts'ejoxéhen itsjé itan, itsjé ti nkexrín tjenkayáxin sin, tsochóndéhe kjuasáya kícho ti nkojnko chjasin ntsíntsí.
- IV. Tsotsjehe ko tsjinkĩtsa kixin kaín ti tjenkayáxin ti kuènté gobierno me kaín tíha tsqhen nkaxehen ti Ṭ'ánĩnkä.
- V. Ts'ayakohen o tsjinkĩtsa kixin kaín ti nkehe chónṭa ti nontēe ti sin chjasin nixja ijnko itan me yóxin tsichjáxin kixin tsjeēhya.
- VI. Ti sin ichjin me tsiakjan ti tjotehe o ti tjenkayáxin ti gobierno kixin ti sin ichjin ko sin ndoa me nkokón kjuachaxin chónṭa sin, ko xikāhan kjaxin ti sin ichjin k'uaxrjeníxin ti sin África ndá k'uánkíxin sin no México me kjaxin nkokón kjuachaxin chónṭa sin.
- VII. Tsoxiteya ti kjuachaxin chónṭa ti chjasin ntsíntsí ti sin nixja ijnko itan ko ti sin kjuaxrjeníxin ti sin chjasin África ndá ó mexicano sin kixin ti ichrán ley ts'ixínki me saó tsoxranchankíhi sin, tsonohe sin kixin

ninkexroé ts'eṭuéhña ti jehe sin, tsoxranchankíhi sin á tsiakjan o ts'axjendehe ichrán ley.

VIII. Tosoxiteya ko tsjeya ti kjuachaxin antsí tsiexín nkexrín tjejó ti chjasin ntsíntsí ndesi ti nkexrín tjenkayáxin ti sin ntíha chjasen.

Ti gobierno o instituto kuènté ti chjasin ntsíntsí nixja ijnko itan i mé ti ixra tsotsjéhe ko ti ixra kuènté me:

- I. Tsjasin kaín ti nkehe para ndá jína ts'ixin ko jína itsi kaín nkehe tsjajón ti gobierno para ti sin chjasin ndígena la ko ti afromexicano.
- II. Sinchek'atsínka ko tsinkĩtsa ts'ona la ko kixin tsóhen kaín ti ixra o ti nkehe tsenkayáxin sin tsóhen nkojnko ti secretaría T'ánĩnkä.
- III. Tsjinkĩtsa kixin jína tsóhen, tsochónṭa kjuasáye, la ko ts'ayakóhen, kixin jína ts'axénka ti kjuachaxin kuènté ti chjasin indígena la ko ti sin afromexicano a.
- IV. Tsinkitsa kixin chaxín tsóhen ti nkehe tjenkayáxin nkojnko ti chjasin indígena, ko kixin ninkexroé tsihyá naṭaon ti nkojnko ti chjasen sin.
- V. Tsjeyéhe nkexrín ts'óna ko tsjankíxin siche'ehe ti kaín nkehe tsíkjenkayáxin ko ti nkehe o sihín tsik'onáxén para kuènté ti sin chjasin indígena la ko ti afromexicano.
- VI. Tsjinkitsa, tsjenkayáxin kixin chaxín tsóhen kaín ti kjuachaxin kuènté ti chjasin ntsíntsí, indígena la ko ti afromexicano.
- VII. Tsich'éna o tsjinkĩtsa ts'óna iso nixén ley o ts'ixiyóxin ti ley o siín kixin chaxín ts'ixin kaín kjuachaxin kuènté ti sin chjasin nixja ijnko itan, sin indígena la ko ti son afromexicano.
- VIII. Tsjenkayáxico ti sin chjasin ndígena la ko ti afromexicano, sobre kaín ti programa tsoxrako, ndá tsoxreyá la ko kaín ti nkehe ts'ayakoenxín sin ti kjuachaxin kuènté ti chjasin ntsíntsí indígena la ko afromexicano.
- IX. Ts'ayakohen ko tsjeya kaín ti nkehe tichjánxin kixin kaín chojni ko nkuíxín tsochóxín sin ti ley kuènté ti sin ichjin, ti sin chjasin ntsíntsí o indígena la ko ti sin afromexicano.
- X. Tsjeya kixin kjaxin ti sin chachjin, ti sin chajan, ti sin ndasoa tjejó nkójin ti chjasin indígena ko afromexicano, ko ti sin ṭada, ti sin chónṭa ichrán

- discapacidad, ti sin jéhya éxi ndoa o ti sin jéhya éxi ti sin ichjin o ichrán iso sin noáxin t'atsínka me ti instituto kuènté i mé ts'ayakohen ti jehe sin.
- XI. Tsjeyéhe nkexrín kixin kuènté México ko ndója ti ókjé chjasin me tsochóxin sin ti kjuachaxin nixja ti ley kuènté ti sin t'axrjexín chjasén tikich'e ixrā no ókje.
- XII. Tsjeyéhe nkexrín tsochóxin itsjé chojni ti kjuachaxin kuènté ti sin afromexicano éxi nixja ley, kixin kjaxin sin jína la ko yóxin ts'ejó sin.
- XIII. Tsjinkĩtsehe kaín chjasin ntsíntsí indígena ko afromexicano kixin nkojnko ti chjasin í me jína tsochónṭa ti nkehe chróxi o ti nkojnko zona ṭohen ṭoka cada ti chjasin i no ti Ṭ'ánĩnkä.
- XIV. Tsjeyéhe nkexrín ko tsjanchia kixin ti íche ndøe gobierno me kjaxin tsjinkĩtsa kixin ti sin indígena la ko afromexicano me jína libre tsichéhe sin nkexro tjinkaon sin ts'ona gobierno kuènté sin.
- XV. Tsjinkĩtsa kixin ti sin chjasin ntsíntsí me ts'axrjehya sin ti nontēe sin ko kaín ti nkehe tjejonkaṭaon ti nonte ko kixin ts'ixínhña daño ti nonte chjasen sin.
- XVI. Tsjeyéhe ko tsjasin tsochronka nkexrín, ts'ayakohen kaín ti nkehe jína; kaín ti iko, kaín ti inta ko kaín ti nkehe tjejonkaṭaon ti nontēe ti sin indígena la ko ti sin afromexicano.
- XVII. Tsjinkĩtsa, tsotsjehe ko tsochronka nkexrín tsøyóxin ichrán kjuaninkaon ti tjajonxin sin nkojín nonte nteje o tjajonxin sin nkexro ts'ejó ts'etōan, kaín tiha mé tsjenkayáxinko kaín ti sin tjejó ti íche nchia ndøe gobierno ṭohen ṭoka tjasiyóxin ti kjuaninkaon kuènté nonte.
- XVIII. Tsotsjehe siná a yóxin siín ti nkehe tjenkayáxin ti sin gobierno, ndá ti yóxinhña me tsochronkaxin nkexrín tsøhen kixin tsoxiteya ti ley kjuachaxin kuènté ti sin chjasin indígena la ko afromexicano, para tíha me tsochjinéhe ti iso sin tjejó ndøe gobierno ṭohen ṭoka éxi ti asunto i.
- XIX. Tsjankíxin tsjasin ixrā de investigación de ti chjasin indígena ko afromexicano ndá kixin tsochóxin chjasintajni ti jehe sin la ko kjaxin ts'ayakohen ti nkehe jína nohe ti sin indígena la ko afromexicano a.
- XX. Tsjinkĩtsa kixin tsohen mejorar ti chjasin indígena la ko afromexicano sin que tsinchek'itjañahña sin ti cultura kuènté sin.

- XXI. Tsjeýá, tsjanchía, tsjasin ko jehe sich'ehe ti ichrán nkehe o ixrā tsōhen kixin āntsí yóxin ts'ejó ti nkehe tichjāxinhin ti chjasin ntsíntsí, a nchīa xroakōxin, a ntīa, a nchīa, puente, xrohi poste, ìntā tjóá, drenaje ko íso nkehe kixin tsjinkĩtsa tsoyóxin ti kuènté nonte chjasen ti indígena la ko afromexicano a.
- XXII. Tsjinkĩtsa, tsjako, ko tsochenkáxin ti sin t'etōan ti nkojnko chjasin ó ti sin tjejóton ntīa ti ichrán chjasin indígena ko afromexicano kixin tsōhen ti éxi nixja ti ley kjuachaxin kuènté nkojnko chojni ko ley kuènté ti o itsjé chojni.
- XXIII. Jehe ti tsqnohe ko tsjasin ti consulta o tsoxranchankíhi yóxin nkojnko ti chjasin indígena ti ichrán tsjenkayáxin ti gobierno ti ó tsjinkí ó sich'ena nixén ley tsoyoéhya yóxin ti kjuachaxin kuènté ti sin como chjasin indígena o afromexicano.
- XXIV. Tsochronkaxin ko tsjinkĩtsa ti ichrán asunto kuènté ti chjasin ntsíntsí ko ti sin afromexicano kjaxin jína tsjinkitsehe ti ichrán ixrā chónṭa ti sin gobierno Ṭ'ánjnkä, ti sin t'etōan municipio ó ichrán sin jehya gobierno ti tsjanchia.
- XXV. Sich'ena ko jehe sich'ehe la ko tsotsjehe kixin yóxin tsōhen la ko yóxin ts'óna ti programa ó ichrán nkehe jína tsichjāxinhin āntsí ko kaín ti chjasin indígena la ko afromexicano.
- XXVI. Sich'ena ko tsjanchia, tsjeýá ko tsotsjehe yóxin tsōhen la ko tsjenkayáxiko kaín ti chjasin kjaxin tjinkaon, ti kaín ixrā tsikjenkayáxin ti gobierno Ṭ'ánjnkä tsōhen nkuíxin ti chjasein ntsíntsí.
- XXVII. Tsjinkĩtsa kixin tsitjañahña kaín ti ixrā, economía local ich'e ti sin chjinaxón chjasen, kjaxin kixin tsitjañankíha ti chichaon tjachan sin, ko ts'ixin ixrā sich'e sin, ko tsiakjan nixén tecnología kixin āntí ts'anki ti nkehe ch'éna sin, ko tsotsjehe kixin kaín chojni nkokón tsochónṭa sin nketin tsik'ena kaín ti nkehe tichjāxinhin.
- XXVIII. Tsjinkĩtsa ko tsjenkayáxiko kaín ti sin gobierno Ṭ'ánjnkä kixin tsjinkitsa ts'ixin ti ixrā agrícola tradicional la ko āntsí ti t'enkaxin sin ino.
- XXIX. Tsiäkjan ko tsonixjāxin ti kaín ti ixrā kuènté no ti ichrán tsōnkotséxin itsjé ntánche ti no ichrán chjasin no México o no ókjé nación.

- XXX. Sich'ena itsjé programa ndá tsoxrako nkexrín tohen ichrán ixrā ó ichrán nkehe kuènté ti chjasin ntsíntsi ko ti sin afromexicano.
- XXXI. Tsjenkayáxiko iso sin gobierno o ókjé sin jéya gobierno ndá nkōkoa sich'e ixrā kixin jína ts'ejó ti sin chjasin ntsíntsi ko ti sin afromexicano.
- XXXII. Tsakitsjeko kaín ixrā o ichrán ti nkehe tjeKayáxinko ti sin ichrán chjasin o ichrán empresa, ndá chjabin tsjenkayáxinko ti sin chjasin ntsíntsi indígena la ko ti sin afromexicano kaín ti ixrā jína tsōhen ti nkojnko chjasen sin.
- XXXIII. Tsjeyá o tsich'ena ti sistema de información la ko estadística para ti sin chjasin indígena ko afromexicano.
- XXXIV. Tsjinkĩtsa tsochronka nkekjaín chichaon ts'ixin nkojnko nánó ti chjasin ntsíntsi la ko para ti sin afromexicano.
- XXXV. Tsjeyá ko tsotsjehe kixin yóxin tsichjáxin ti chichaon o ti recursos presupuestales kuènté ti sin indígena la ko afromexicano kixin yóxin la ko jína tsjejó sin.
- XXXVI. Tsochronkähxin ko tsjenkayáxin nkexrín tsichjabin ti chichaon kuènté ti chjasin ntsíntsi ko ti sin chjasin afromexicano.
- XXXVII. Sinchek'átsinkehe ti recursos ti sin t'etōan o ti sin tjejóton ntja nkojnko ti chjasin kixin tsichjánxin para tsoxiteya kaín ti nkehe tjinkaon sin éxi nixja ti ley o ti kjuachabin kuènté ti chjasin ntsíntsi.
- XXXVIII. Sich'éna chjinó iso nchja tsjenkayáxinxiko ti sin chjasin ntsíntsi, kixin tsōhen kaín ti nkehe tichjabin kixin jína tsōhen ko jína ts'ayakohen kaín ti kjuachabin kuènté sin éxi nixja ley.
- XXXIX. Tsjinkĩtsa ts'ayakonhen ko tsjeyéhe kixin ts'itjáñahña kaín ti jína tjeKayáxin sin ko kaín ti nkehe jína nohen sin me tsátsinkehe ti sin ixjan tinkak'ánki.
- XL. Tsjinkĩtsa, tsokuènté kjaxin ko ts'ayakonhen kaín ti nkehe jína tjeKayáxin ko tsikich'éna nkojnko chojni o kaín chojni ti nkojnko chjasin, éxi ti ichrán nkehe jína nohen sin ndá kohyá ókjé chjasin chónṭa kjaxin.
- XLI. Sich'éna programa o proyecto kixin tsitjáñahña ko tsoxrako kaín ti itan nixja ti chjasin ntsíntsi siín Ṭ'ánjnkä, la ko kjaxin ts'ixin nkexro tsokjin ko tsonixjabin ti itan nkojnko ti chjasin ntsíntsi a.

- XLII. Tsochronkaxín ko tsjasin kixin ti nkehe tsoxrako kaín escuela mé tsoxrakoxin ti itan tohen toka nkojnko chjasin la ko kjaxin ti xroon ko ti nkehe tjenkayáxin ti chjasin ntsíntsi kixin tsotsehe ko tsitjáñahña kaín ti nkehe jína chónṭa chjasen sin.
- XLIII. Yóxin ts'ona itsjé ti nkétin ts'ejó ti sin ixrjan, ti sin ndasoa tjejó ti chjasin ntsíntsi ko ti sin xjan afromexicano kixin yóxin ko jína ts'ejó ko jína ts'ánki xjan.
- XLIV. Tsjinkĩtsa kixin tsitjáñahña ko xikahón tsichjabin ti xroṇ kayoa chónṭa ti sin chjasin ntsíntsi.
- XLV. Tsotsjehe ko tsjenkayáxico ti sin kuènté salud kixin ti sin chjasin ntsíntsi ko ti sin afromexicano me ti ndoe xroṇ me tsohen sin ti xroṇ éxi ti chjasen sin, ko kjaxin ti itan nixja sin a tsoexín sin atender, ko kjaxin yóxin la ko respeto tsohen sin xroṇ a ichjin o ndoa sin.
- XLVI. Tsjinkĩtsa kixin ti kuènté gobierno mé tsochóxin ko tsochondéhe kjuasáya kaín ti sin tjanjón xroṇ kayoa ko kaín ti xroṇ tjanjón ti sin chjasin indígena la ko afromexicano.
- XLVII. Tsjinkĩtsehe kaín ti chjasin ntsíntsi kixin jína ts'ejó sin, medios de comunicación, tsochónṭa sin ko jehe sin tsichjáxinhin sin kaín ti nkehe jína tsonixjaya sin, chika tsienhxín sin o ts'ikonhxín noticia, o jehe sin tsonixjabin sin tsochronkabin sin ichrán información ndesi ti itan nixja sin, ko kjaxin jína tsochónṭa sin kjuachabin ti iso información la ko kaín tipo comunicación kjondé jehya kuènté ti sin chjasin ntsíntsi afromexicano.
- XLVIII. Tsjinkĩtsehe ti gobierno Ṭ'ánĩnkä it'in Secretaria de Igualdad Sustantiva kixin tsjeyá kaín ti nkexrín kixin ti sin ichjin chjasin ntsíntsi me kjaxin tsiäkjan koí tsjenkayáxinko ti gobierno Ṭ'ánĩnkä ko ti sin municipio kixin jína tsinkák'itjaña kaín ti t'ekon sin ko ti tohen sin menos tanto sin ichjin, xjanchjin ko ti sin ichjin afromexicana.
- XLIX. Tsjinkĩtsehe kaín ti sin t'etṭoan o ti sin nchekuáxin ley, kixin chabin tsoxiteya kaín ti nixja ley kuènté ti sin tjejó ti chjasin ntsíntsi ko ti sin chjasin afromexicano.

- L. Ts'et̥oan kixin ts'ixin ti sin nixja ti itan kuènté ti chjasin ntsíntsi me tsonixjabin tenajni nkojin ti chjasin xikahān tsokjinkaon ante nkojin gobierno ijié, ti gobierno T'anjnkä o municipio ti tsjanchia sin ichrán nkehe o tsjaya sin ichrán ijié.
- LI. Ti programa tsich'éna nda ntíha ts'axrjabin ichrán nkehe jina tsōxi para ti sin chjasin ntsíntsi, me ti instituto i, me tsjenkayáxin nkechrín ndá tsohen registrar kuanté marca tsochónṭa ti nkehe jina tsōxi o ti nkehe tsich'ena ti sin chjasin a.
- LII. Tsjinkitsa kixin tjaka tsoxranjón información, o ichrán queja ts'ixin ti nkehe tohen toka jehe tsots'ehe, éxi ti ichrán información tsjanjón ti sin kuènté Derechos Humanos ko ti sin Derechos Humanos kuènté T'anjnkä.
- LIII. Tsjinkitsa ts'ona la ko tsakja kjuachabin iso sin tsonixjabin ti sin nuéhña nixja tenajni, la ko kjabín ts'ixin ti sin tsokjinxin itan la ko xikaha tsokjin tenajni ichrán xroon.
- LIV. Tsinkitsa kixin kaín ti evento público kuènté ti kaín Ayuntamiento chónṭa nkojin chjasin ntsíntsi nixja ijnko itan me, tsak'e ijnko chojni tsochronkaxín ti itan nixja sin ti nkehe tsixro ti Ayuntamiento a.

Ti instituto kuènté ti sin chjasin ntsíntsi me siche'éna ijnko sistema ndá ntíha me jina tsochjina kaín ti sin t'et̥oan ti chjasin ntsíntsi ko ti sin afromexicano, mé ndá jina ts'ixin ti kaín nkexrín ndá tsochrankíxin tsochóxin sin ti kjuachabin ko jina tsjenkayáxico sin ti instituto ndá nkexrín ts'ona ko nkexrín tsohen ti plan Estatal de Desarrollo la ko ti íso ixrā ko íso programa para ti sin chjasin ntsíntsi ko ti sin afromexicano, ko kjabín kixin ndá tsochóxin kaín chojni ó kaín ntánche ókjé chjasin kixin o tsichjanxin ti kjuachabin nixja ley kuènté sin a.

Ti instituto i me tsochóndéhe kjuasáya ti iso instituto o ichrán ti sin t'et̥oan ti ichrán chjasin ko ti nkexrín ncheyóxin sin ichrán ijié ti chjasen sin. Kixin tíha la kjabín tjet̥oan éxi kaín ley xikahān.

SECCIÓN II

TI NKEXRÍN SÍKJINXINXÍN TI INSTITUTO KUÈÑTÉ TI SIN CHJASIN NTSÍNTSÍ TI NO T'ÁNINKÄ.

Ti Instituto me tíhi ti tsochónṭa:

- I. Ijnko ti junta de gobierno, me tiha ti saoxén t'ẹṭoan a;
- II. Ijnko dirección general, me tiha ti chónṭa kaín xroon ts'ẹṭoan kexrín tsqhen;
- III. Ijnko consejo estatal no T'áninkä, para ti sin indígena ko afromexicano me tíha ti tsjenkayáxiko ti gobierno a.
- IV. Ti oficina de representación me siín ti sin tsonixjixin ti Instituto, tiha ti sin sich'e atender ti sin chjasin tjejó ichrán municipio ikjín, mexra ti oficina me chjinó ts'ejó no ti tjejó sin a.

Ti Instituto i me tsochónṭa kaín la ko kuanṭoé ti ichrán tsjenkayáxiko kaín ti sin secretará T'áninkä, ti sin gobernación la ko ti sin tjejó ichrán ti nchia kjaxin t'ẹṭoan éxi ti gobierno, me ndá kaín tíha tsjotehe kixin chaxin tsoxiteya ti kjuachaxin kuènté ti sin chjasin ntsíntsi ko ti sin afromexicano, ąntsi kixin jehó ti sin chjasén me tsjenkayásin, kixin tsihyá ninkexroé naṭaon ts'ẹṭoan nkechrín ts'ejó sin ti chjasen sin.

Ti ṭonkotsé sin ti junta de gobierno me xikihjin tsak'e:

- I. Ijnko presidente o presidenta mé tíha ti nkexro t'ẹṭoan kuènté ti T'áninkä;
- II. Ijnko ichjin o ndoa me Presidente Ejecutivo, me tíha mé senóxén sinchexiteya, tíha me ti gobernador a me tsjeyá;
- III. Ts'ixin iso sin vocal nkojnko ti dependencia i:
 - a) Ti nchia tjejó ti sin gobernación;
 - b) Ti nchia tjejó ti sin planeación ko finanzas;
 - c) Ti nchia tjejó ti sin desarrollo rural;
 - d) Ti nchia tjejó ti sin secretaría kuènté salud;
 - e) Ti nchia tjejó ti sin secretaria de educación;
 - f) Ti nchia tjejó ti sin tsjehe medio ambiente, desarrollo sustentable la ko ordenamiento territorial;
 - g) Ti nchia tjejó ti sin kuènté secretaria de bienestar;
 - h) Ti nchia tjejó ti sin kuènté secretaria de Igualdad Sustantiva;
 - i) Ti nchia tjejó ti sin kuènté Turismo;
 - j) Ti nchia tjejó ti sin kuènté Economía.
 - k) Ti nchia tjejó ti sin kuènté Infraestructura, la ko ti
 - l) Ti nchia tjejó ti sin secretaría del trabajo.

IV. Tsak'e ijnko chojni tsonixjixin no ti tjejó ti sin tsjenkayáxin kuènté ti T'áninkä sobre ti sin indígena, sin chjasin ntsíntsi la ko afromexicano.

Ti chojni tsak'enkákjan ti sin tsjenkayáxin sobre chjasin indígena no ti congreso T'áninkä me nkochríxin tsak'enkákja la ko jína tsonixja, no má xrokjuayá sich'e votar.

Ti junta de gobierno me tsjeyá ijnko secretario técnico.

Ti presidente o presidenta ejecutivo, ti ts'etəon ti director general me me jína sich'e invitar ti ó tsjasin ti junta kuènté gobierno kixin tsəchjina nkojnko ti sin tjeəon ntia ti nkojnko sin ndəe gobierno federal o ti T'áninkä ichrán asociación jehya kuènté gobierno ndá kjaxin tsjehe ichrán ti asunto kènté chjasin, me jína kjaxín tsonixja sin tsochrónka sin nkechrín tsəhen ixrə.

Ti ó ts'ixin ti junta me ti secretario técnico ti ts'eya in'o ñao ante ti junta ordinaria, o veinticuatro horas ante ti ichrán junta extraordinaria ko antó tsochronka nkehe ti tsəhen tratar.

Ti junta Gobierno me ts'ixin noó vece ti nánó, ndá ti extraordinaria mé o tsochronka ti presidènté, o tsochrónka iy'á ti sin tjejó ntiha.

Ti junta kuènté gobierno me tsjankíxin ti junta ti ó tsjahchan tsjejó nkəsíñé ko ijnko chojni ti junta a. Ndá ti nkehe tsoyóxin me kjáva nkehe tsixró o nkehe tsatéhe ti mayoría ti sin tjejó tíha.

Ti junta kuènté Gobierno me tsochónəa ti kjuachaxin i:

- I. Tsotsjehe nkexrín tsatsinka ti chichaon cada nánó para kaín ti nkehe ixrə sich'e ti Instituto, kjava nkehe ti tsikjasinkíxin ti director kuènté ti Instituto a;
- II. Tsjenkayáxin nkehe ti əntsi tjeəon me saoxén tsəhen;
- III. Tsotsjehe ko tsochrónka siná a o nchəxón siín ti programa o proyecto tsikich'éna ti gobierno para ti sin chjasin ntsíntsi ko ti sin afromexicano, la ko kjaxin tsotsjehe kixin chaxín la ko ndoá tsəhen ti ichrán ixrə;
- IV. Tsjasinkjínxin kaín ti nkechrín yóxin tsəhen me dá jína tsəenko ixrə ti iso sin Gobierno ndesi ti iso sin jehya Gobierno nda tsjehe sin éxi ti ixrə kuènté ti instituto a, kjaxin ti sin gobierno ókjé país, ndá kixin

- jína ts'ejo ti sin chjasin antsíntsi la ko ti sin afromexicano;
- V. Ti instituto me jína nihxén tsjasinkjínxin ti nketín tsqhen gasto ti chichaon tsíxrájón para kaín ti programa chónťá, tíha me tichjaxínhña tsoxránchehe kjuachaxín ti secretaría it'in planeación y finanza;
- VI. Jehe ti instituto me jóxón tsotsjehe nkechrín tschjánxin ti chichaon tsjhí la ko ti ichrán chichaon tjetóxin tsochónťa a;
- VII. Ti director kuènté ti instituto me tsatqhe tsoxratjanťa ti chichaon tjetóxin chónťa kixin tsjinkjísáko, kixin ndá chaxín itsa ixrā ti kjuachaxin kuènté ti sin chjasin ntsíntsi ko ti sin afromexicano, tíha me kjónté ante ti secretaría planeación ko finanzas;
- VIII. Sinchek'atsínka ti nkehe ts'etqan ti director kuènté ti instituto i, ti tsoxikayqhe ti chichaon para cada ti ixrā tsjehe sin la ko para ichrán programa nkaxehen ti instituto a;
- IX. Tsatqhe ti jína tsoxreyéhe kixin konjin tsqhen ti chichaon ti nkaxénhen ti instituto a.

Ti director a ichjin o ndoa tsak'e ti instituto i me tsqenxín nombrar ndesi ti junta de gobierno o jína ti gobernador T'ánjnkā a me sich'e proponer nkexro tíha.

Ti nkexro ts'óna director general a me tichjanxin tsonohe jína ti ixrā kuènté, tichjaxin tsonohe sinchekuaxin xroon la ko ijnko chojni tsikjixin ichrán jnko chjasin intsí la ko tsonohe tsonixja ijnko itan o nkojín sin afromexicano kixin jína ko yóxin sich'e ixrā éxi ti tjinkaon ti instituto para sin chjasin ntsíntsi nixja itan.

Ti chojni ts'ona director general me jína sich'ehe kaín ti nkehe i:

- I. Tsjenkayáxin, tsjasinkjínxin, sich'éna la ko tsotsjehe kixin yóxin sich'e ixrā ti instituto i, éxi ti ixrā t'etqan ti ley;
- II. Tsak'exin la ko tsjasin ijnko nkexrín ndá yóxin la ko ts'ixin nchónhña kjuasáya hacia kaín ti sin chjasin ntsíntsi la ko ti sin afromexicano ti kuènté México, me ndá xikqhan jína nkqkoa tsqhen kaín ti ixrā para kaín ti sin a;
- III. Jína tsjasin ichrán nkehe tsjinkjísáxin la ko tsjajón kaín tipo xroon sobre ti ixrā k'ónaxín o ti ixrā tsotsjehe a;

- IV. Jehe ts'eṭṭoan ko tsotsjehe ti siín ichrán kjuanínkaon kjondé xranchia tsochónṭa ichrán cláusula tjeṭoan, ndá ti xikahan me sao tsoxranchía kjuachaxin ti junta de gobierno a.
- V. Jehe me tsjajón, tsjinkí la o jína ts'óxíka ichrán kjuachaxin chónṭa nkojín chojni ti ichrán asunto kuènté ti ixṛa ich'e ti instituto a;
- VI. Jehe tsjaya ijie ti ts'ikon kixin jína tsohen, la ko jína ts'iṭaon nita jehe ó ti iso sin tjejhó ti instituto, me jína tsít'oxin nkojín tsik'íka ichrán ijie imá ṭao.
- VII. Jína tsichjáxinhín o jína tsítóhe ti ichrán tsik'áaya ijie imá tao hasta xranchia ti amparo, tíha me ti chjiñehña tsokakaón ley ijnko chojni ti o t'ihkan ichrán ijie imá tao;
- VIII. Jína sinchek'atsínkéhe ichrán ti kjuanínkaon ṭao no ókjé iso ntánche aṇtsí noi, kixin jína tsitṭexín ti sin kjuikao ijie.
- IX. Ti ichrán asunto kuènté me jína tsochrónka ti siín ichrán nkehe tjeṭoan ts'ixinki tsonixja ti ley o ti ichrán nkehe t'eṭoan ti gobernador Ṭ'ánĩnkä;
- X. Sich'ehe kaín ti acuerdo kuakitsje ti junta de gobierno a;
- XI. Kaín ti nkehe jína kjuenkayáxin ti sin consejo kuènté sin indígena siín ti no Ṭ'ánĩnkä me tsochenka ti sin junta de gobierno a;
- XII. Jehe tsotsjehe nkexrín tsichjánxin ti chichaon kuènté ti instituto a, la ko tsjanchia ti chichaon tsichjánxin ti ijnko nánó;
- XIII. Sich'éna ti xroon chónṭa kaín ti reglamento nkaxéhen ti instituto, ko kaín ti nkexrín tsichjánxin ti chichaon ṭakja, tíha me sao tsotsjehe ti junta de gobierno, siná a ó nchóxón ikj'í ti cuenta a.
- XIV. Kaín ti t'eṭṭoan ti ley i, la ko ti kaín ti kjuachaxin kjuajón ti junta de gobierno a.

Ti instituto i ti kuènté Ṭ'ánĩnkä me tsochónṭa ijnko consejo kuènté ti sin chjasin ntsíntsí, ndá tíha me xikihĩn tsak'e:

- I. Tejnko ti sin ts'axrjexín ti chjasin ntsíntsí ko afromexicano, ts'ona ijnko xroon tsonixja kixin jehe ti tejnko sin a me nohe sin nixja sin ijnko itan la ko chaxín ijnko chjasin nts'í kjuixin sin, me xikahan me ndá jína tsohen caso, la ko kjáxin tsiakjan ti sin chjin kixin kjaxin sin tjeṭoan sin.

- II. Yaá ti sin tsjixín ichrán escuela imá noi la ko nkojín ti sin ich'e investigar sobre ti chjasin ntsíntsi;
- III. Yaá ti sin ichrán organización kuènté sin ntsíntsi it'in indígena, nchekuaxin sin sobre ti kjuachaxin kuènté sin indígena la ko afromexicano, la ko
- IV. Ti chojni tsak'etójin ti comisión kuènté kaín ti chjasin indígena ti no congreso T'áninkä.

Ti sin t'akjenhxin ti fracción ijnko me tsohen sin nombrar éxi ti nixja ti kjuachaxin kjuajón ti junta de gobierno, me ndá chaxín yóxin ts'ejón sin ti ixrā a.

Ti sin t'akjenhxin ti fracción yaá la ko ti fracción iy'a me tsogexín sin nombrar éxi ti reglamento kjuajón ti junta de gobierno, tíha me medio ijnko convocatoria.

Ti consejo kuènté sin indígena no ti T'áninkä kuènté ti instituto a me tsotsjehe, tsenkayáxin ko tsoch'éhe propuesta ti junta de gobierno la ko ti director o directora sobre kaín ti ley, programa ko kaín ti ixrā kuènté gobierno kixin jína tsohen éxi nixja ti ley para kaín chjasin ndígena ko afromexicano. Ti consejo a mé tsjotehe cada yéy'a nitjó, ndá tsak'etójin nkojín ti sin representante mediante voto nda jehe tsjiko ti orden del día a.

Ti Instituto me tsochónṭa nchja oficina de representación, tsochónṭa ijnko consejo kuènté cada región indígena, ti sin a me tsjotehe o tsjenkayáxin sin nkehe ti ixrā sich'e ti gobierno no ti nkojnko chjasin ich'e sin representar éxi tjanchá o éxi nixja ti ley o nkehe ti naxa ḡntsi jína tsonixja ti ley a.

Kain ti nkehe tsokuènté ti instituto me tíhi:

- I. Kaín ti nkehe o chichaon tsjanjón ti sin gobierno federal, gobierno T'áninkä o ti municipio a;
- II. Ti chichaon o ti donación tsjanjón nkéxroé ti chojni, ntánche o ichrán empresa tjenkā impuesto no México o ókjé nación la ti ichrán fideicomiso;
- III. Ti ichrán mueble o ichrán nchia para ichrán oficina ts'ena ndá tsichjaxinhin para ti ixrā kuènté ti instituto a;
- IV. Tsokuènté kain ti ganancia tsitohen o ti ichrán dividendos tsajón jnkojin banco o empresa, la ko ti

V. Ti chichaon tikitsínka ti kjuanjón ichá jnko ti jehe nohe o ti nkehe chónṭa ndá tjaníhin ti ley.

Kaín ti nkehe tsochónṭa me xrikjuaya tsaxrjehe kixin éxi kaín chojni kuèṇṭé xikaha.

Ti instituto me jehe tsikjínhxín nkexrín tsichjabin kaín ti nkehe kuèṇṭé kixin yóxin tsakitse kaín ti ixrā chónṭa, kixin yóxin tsjiko ti ley kuèṇṭé organismos ch'ehe ixrā ti gobierno antsí yéhyé.

Kaín ti sin ich'e ixrā ti instituto me yóxin tsjiko kícho exi nixja ti norma o reglamento kuèṇṭé. Ti secretaría kuèṇṭé función pública me ndesi nkaxénhen ti instituto sich'exin vigilar kixin yóxin sich'e ixrā kuèṇṭé ti instituto, éxi t'etṭoan ti ley para ti sin ch'ehe ixrā gobierno Ṭ'ánjnkä la ko íche ley.